

宋徐大升先生編

子平三命
通變淵源

三命堂藏板

辛卯年辰月
三命堂刊印

尤序

子平命學由來已久，今所見子平諸書，以明清二代成書者居多。中華歷史悠久，中間多經變故，自古傳來書籍銷毀幾盡，術數類書尤爲甚者。子平術相傳起於唐李虛中，宋徐子平得其真傳，而徐大升發揮其奧旨，并廣爲傳播，故子平命術得以流傳至今。日前余偶然得觀韓國館藏子平三命通變淵源一書，始知其爲宋代徐大升所傳命學經典真迹，後世子平理論皆發源於此。書中所載古例命造尤爲確切，是書於起法中言子平之法以年月日時與流年大運參考，不用胎元小運，此乃子平真訣。余欣喜之餘，不辭辛苦，參閱後世子平諸論，精心訂正并標點，今得付梓，不亦人生之一大快事哉。辛卯辰月望日祿命居士尤武偉識。

通變淵源

序

一

子平三命通變淵源序

夫五行通道，取用多門，物不精不爲神，數不妙不爲術。子平之法，易學難精，有抽不抽之緒，見不見之形。以日爲主，搜用八字，先觀提綱之輕重，次詳時日之淺深。專論財官元無元有，日下支神財官有者最要純一。如有官星者，不論格局，有格局者不喜官星。更看運神向背，自然蘊奧分明。假令六甲日爲主，八月爲正氣官星，若逢卯丁尅破，此謂有情無情。僕自幼慕術，參訪高人，傳授子平真數，定格局，歷學歲年，頗得真趣。今因閒暇，類成編次，尋其捷徑，名曰通變淵源，謹錄於梓，以廣其傳。欲使後之學者快其心，曰開卷易曉。若能觀覽熟讀，詳玩，則貴賤吉凶真如對鑑，見形也。寶祐十月望日東齋徐大升序。

子平三命通變淵源目錄

上卷

天干通變圖

地支造化圖

起法

天德

月德

定寅時歌

十惡大敗日

定真論

喜忌篇

繼善篇

看命入式

正官

偏官

正財

偏財

雜氣

日貴

拱祿 拱貴

金神

日刃 陽刃

印綬

傷官

日德

通變淵源

目錄

一

魁剛

時墓

下卷

十八格局

正官格

雜氣財官格

月上偏官格

時偏財格

時上一位貴格

飛天祿馬格

倒衝格

乙巳鼠貴格

合祿格

子遙巳格

丑遙巳格

壬騎龍背格

井欄叉格

歸祿格

六陰朝陽格

刑合格

拱祿拱貴格

印綬格

雜氣印綬格

目錄終

子平三命通變淵源卷上

宋 錢塘 東齋 徐大升 編

三命堂祿命居士尤武偉訂正

直看 甲 乙 丙 丁 戊 己 庚 辛 壬 癸

天干通變圖

甲 乙 丙 丁 戊 己 庚 辛 壬 癸

甲	比肩	陽刃	敗財	食神	傷官	偏財	正財	七殺	正官	偏印	正印
乙	比肩	陽刃	傷官	食神	正財	偏財	正官	七殺	正官	偏印	正印
丙	偏印	正印	比肩	陽刃	敗財	傷官	食神	偏財	正財	七殺	正官
丁	正印	偏印	敗財	比肩	陽刃	傷官	食神	正財	偏財	正官	七殺
戊	七殺	正官	偏印	正印	比肩	陽刃	傷官	食神	偏財	正財	七殺
己	正官	七殺	正印	偏印	敗財	比肩	陽刃	傷官	食神	正財	偏財
庚	偏財	正財	七殺	正官	偏印	正印	比肩	陽刃	傷官	食神	正財
辛	正財	偏財	正官	七殺	正印	偏印	敗財	比肩	陽刃	傷官	食神
壬	食神	傷官	偏財	正財	七殺	正官	偏印	正印	比肩	陽刃	傷官
癸	傷官	食神	正財	偏財	正官	七殺	正印	偏印	敗財	比肩	陽刃


通變淵源

卷上

一

以上十干通變專以日上天元為主配合八字干支定其格局然後以格局言之災福若對鑑見形也。

地支造化圖



起法

年本月 日主 時 大運 流年

此法不用胎元小運、只以年月日時、流年歲君大運參攷是矣。所有起例併具於前。

天德

正丁 二坤 三壬 四辛 五亥 六甲 七癸 八寅
九丙 十乙 十一巳 十二庚

月德

寅午戌月丙 亥卯未月甲 申子辰月壬 巳酉丑月庚
如人命先犯凶煞、若遇天月二德神救者、凶不為凶、更得貴人扶助、作顯貴之命。

通變淵源

卷上

定寅時歌

正九五更二點徹 二八五更四點歇 三七平光是寅時
四六日出寅無別 五月日高三丈地 十月十二四更二
仲冬纔到四更初 便是寅時為君記

十惡大敗日

甲己年 三月戊戌 七月癸亥 十月丙申 十一月丁亥 乙庚年 四月壬申 九月乙巳 丙辛年 三月辛巳 九月庚辰
丁壬年 無 戊癸年 六月己丑

出道藏中第四十九函減字號內、黃庭經第七十二卷上、說元貞觀年奏下人間事。

定真論

夫生日為主者、行君之令、法運四時、陰陽剛柔之情、內外否泰之

道、進退相傾、動靜相代、取固亨出入之緩急、求濟復散斂之巨微。釋日之法有三要、以干爲天、以支爲地、支中所藏者爲人元。分四柱者、年爲根、月爲苗、日爲花、時爲實。又釋四柱之中以年爲祖上、則知世代宗派盛衰之理。以月爲父母、則知親蔭名利有無之類。以日爲己身、當推其干、搜用八字、爲內外取捨之源、干弱則求氣旺之藉、有餘則欲不足之營。干同以爲兄弟、如乙見甲爲兄、忌庚重也、甲以乙爲弟、畏辛多也。干尅以爲妻財、財多干旺則多稱意、若干衰則財反禍、干與支同、損財傷妻也。男取尅干爲嗣、女取干生爲子。存失皆例、以時分野、當推落地貧賤富貴之區。理愚所謂五行真假少人知、知時須是泄天機是也。俗以甲子作海中金、即婁景之前、未知金在海中之論。或用年爲主、則可知萬億富貴相

同者。以甲子年生、便爲本命、忌日之戒。月爲兄弟、如火命生酉戌亥子月、言兄弟不得力之斷。或日爲妻、如在空刑尅殺之地、言尅妻妾之斷。或時爲子息、臨死絕之鄉、言子少之斷。論之皆非。人之可爲造物、陰陽之所致、傾世術士不知斯理、而淆亂於俗。故不可以言傳、當考幽微之妙矣。

喜忌篇

四柱排定、三才次分、專以日上天元、配合八字。其支干不見之形、無時不有。神煞相伴、輕重較量。若乃時逢七殺、見之未必爲凶、月制干強、其殺返爲權印。財官印綬全備、藏蓄於四季之中。官星財氣長生、鎮居於寅申巳亥。庚申時逢於戊日、名食神干旺之方。歲月犯甲丙卯寅、此乃是遇而不遇。月生日干無天財、乃印綬之名。

日祿歸時沒官星、號青雲得路。陽水疊逢辰位、是壬騎龍背之鄉。陰木獨遇子時、爲六乙鼠貴之地。庚日全逢潤下、忌壬癸巳午之方。時遇子申、其福減半。若逢傷官月建、如凶處未必爲凶、內有正倒祿飛、忌官星亦嫌羈絆。六癸日時若逢寅位、歲月怕己戊二方。甲子日再遇子時、畏庚辛申酉丑午。辛癸日多逢丑地、不喜官星。歲時逢子巳二宮、虛名虛利。拱祿拱貴、填實則凶。時上偏財、別宮忌見。六辛日時逢戊子、嫌午位運喜西方。五行遇月支偏官、歲時中亦宜制伏、類有去官留殺、亦有去殺留官。四柱純殺有制、定居一品之尊、略見一位正官、官殺渾雜反賤。戊日午月、勿作刃看。時歲火多、却爲印綬。月令雖逢建祿、切忌會殺爲凶。官星七殺交差、却有合殺爲貴。柱中官星太旺、天元羸弱之名。日干旺甚無依、若

不爲僧爲道。印綬生月、歲時忌見財星、運入財鄉、却宜退身避職。劫財陽刃、切忌時逢、歲運併臨、災殃立至。十干背祿、歲時喜見財星、運至比肩、號曰背祿逐馬。五行正貴、忌衝刑剋破之宮。四柱干支、喜三合六合之地。日干無氣、時逢陽刃不爲凶。神煞兩停、喜者存之、憎者棄之。地支天干合多、亦貪合忘官。四柱殺旺運純、身旺爲官清貴。凡見天元太弱、內有弱處復生。柱中七殺全彰、身旺極貧。無殺女人之命、一貴可作良人。貴眾合多、定是師尼娼妓。偏官時遇、制伏太過、乃是貧儒。四柱傷官、運入官鄉又破。五行絕處、即是胎元、生日逢之、名曰受氣。是以陰陽罕測、不可一理而推。務要神分貴賤、略數古聖之遺迹、約以今賢之博覽。若遵此法參詳、鑑命無差無忒。

繼善篇

人稟天地命屬陰陽、生居覆載之內、盡在五行之間。欲知貴賤、先觀月令、乃提綱、次斷吉凶。專用日干爲主本、三元要成格局、四柱喜見財官。用神不可損傷、日主最宜健旺。年傷日干、名爲本主不和。歲月時中、大怕殺官渾雜。取用憑於生月、當推究於淺深。發覺在於日時、要消詳於強弱。官星正氣、忌見衝刑。時上偏財、怕逢兄弟。生氣印綬、利官運、畏入財鄉。七殺偏官喜制伏、不宜太過。傷官復行官運、不測災來。陽刃衝合歲君、勃然禍至。富而且貴、定因財旺生官。非夭則貧、必是身衰遇鬼。六壬生臨午位、號曰祿馬同鄉。癸日坐向巳宮、乃是財官雙美。財多身弱、正爲富屋貧人。以殺化權、定顯寒門貴客。登科甲第、官星臨無破之宮。納粟奏名、財庫居

通變淵源

卷上

五

生旺之地。官貴太盛、纔臨旺處、必傾。印綬被傷、倘若榮華不久。有官有印、無破、作廊廟之材。無官無印有格、乃朝廷備用。名標金榜、須還身旺逢官。得佐 聖君、貴在衝官逢合。非格非局、見之焉得爲奇。身若遇官、得後徒然費力。小人命內、亦有正印官星。君子格中、也犯七殺陽刃。爲人好殺、陽刃必犯於偏官。素食慈心、印綬遂逢於天德。生平少病、日主高強。一世安然、財命有氣。官刑不犯、印綬天德同宮。少樂多憂、蓋緣日主自弱。身強殺淺、假殺爲權。殺重身輕、終身有損。衰則變官爲鬼、旺則化鬼爲官。月生日干、運行不喜財鄉。日主無依、却喜運逢財地。時歸日祿、生平不喜官星。陰若朝陽、切忌丙丁離位。太歲眾煞之主、入命未必爲災。若遇戰鬪之鄉、必主刑於本命。歲傷日干、有禍必輕。日犯歲君、災殃必重。五行

有救、其年返必爲財、四柱無情、故論名爲尅歲。庚辛來傷甲乙、丙丁先見無危。丙丁返尅庚辛、壬癸遇之不畏。戊己愁逢甲乙、干頭須要庚辛。壬癸慮遭戊己、甲乙臨之有救。壬來尅丙、須要戊字當頭。癸去傷丁、却喜己來相制。庚得壬男制丙、壬作長年。甲以乙妹妻庚、凶爲吉兆。天元雖旺、若無依倚是常人。日主太柔、縱遇財官是寒士。女人無煞犯二德、可兩國之封。男命身強遇三奇、爲一品之貴。甲逢己而生旺、定懷中正之心。丁遇壬而太過、必犯淫訛之亂。丙臨申位逢陽水、難獲延年。己入亥宮見陰木、終爲損壽。庚值寅而遇丙、主旺無危。乙遇己而見辛、身衰有禍。乙逢庚旺、長存仁義之風。丙合辛生、鎮掌威權之職。一木重逢火位、名爲氣散之文。獨水三犯庚辛、號曰體全之象。水歸冬旺、生平樂自無憂。木在春

生、處世安然必壽。金弱遇火炎之地、血疾無疑。土虛逢木旺之鄉、脾傷定論。筋疼骨痛、蓋因木被金傷。眼暗目昏、必是火遭水尅。金逢艮而遇土、號曰還魂。水入巽而見金、名爲不絕。土臨卯位、未中年便欲灰心。金遇火鄉、雖少壯必然挫志。金木交爭刑戰、仁義俱無。水火遞互相傷、是非日有。木從水養、水盛而木則漂流。金賴土生、土厚而終遭埋沒。是以五行不可偏枯、務要稟中和之氣。更能絕慮忘思、鑑命無差無誤。

看命入式

正官

甲見辛之類、乃陰見陽官、陽見陰官、陰陽配合成其道也。大抵要行官旺鄉。月令是也。月令者、提綱也。看命先看提綱、方看其餘。

既曰正官、固難得復行官旺之鄉。或是有成局、及行不傷官之地、并經財旺之鄉、皆是作福之處。正官乃貴氣之物、大忌刑衝破害、及於年時干皆有官星隱露、恐福渺矣。又須看年時上別有是何入格、作福去處、方可斷其吉凶。苟一途而取、則不能通變、必有差毫釐、謬千里之患。經曰、通變以爲神者是也。正官或多、反不爲福。何以言之、蓋人之命貴得中和之氣、太過與不及皆不可、故曰太過與不及同。中和之氣爲福厚、偏黨之尅爲災殃。既用提綱作正官、年時支干位或有一偏官便雜矣、不可不仔細以輕重推測也。

偏官 七殺也。

何謂之偏官、蓋陽見陽官、陰見陰官、不成配偶。猶如經言、二女不能同居、二男不可並處是也。偏官即七殺、要制伏。蓋偏官七殺即

小人、小人無知、多兇暴無忌憚、乃能勞力以養君子而服役。護衛君子者、小人也。惟是不懲不戒、無術以控制之、則不能馴服而爲用。故楊子曰、御得其道、則馴服咸作使、御失其道、則狙詐咸作敵。小人者、狙詐也、要控御得其道耳。一失控御、小人得權、則禍立見矣。經曰、人有偏官、如抱虎而眠、雖借其威足以懾群畜、稍失關防、必爲其噬臍、不可不慮也。如遇三刑俱全、羊刃在日及時、又有六害、復遇魁剛相衝、如是人之凶不可具述。制伏得位、運復經行制伏之鄉、此大貴也。苟如前者、凶神俱聚、運遊殺旺之鄉、凶禍有不以言可知也。如有一殺、而制伏有二三、復行制伏之運、反不作福。何以言之、蓋盡法無法、雖猛如狼、不能逞技矣。是又不可專言制伏、要須輕重得所、不可太甚、亦不可不及、須仔細審詳而言、則禍福

如影響耳。

正財

何謂之正財、猶如正官之意、是陰見陽財、陽見陰財。大抵正財、吾妻之財也。人之女賚財以事我、必精神康強、然後可以享用之。如吾身方且自萎孱而不振、雖妻財豐厚、但能日視、終不可一毫受用。故財要得時、不要財多。若財多而自家日本有力、可以勝任、當化作官。天元一氣羸弱、貧薄難治、是以樂於身旺、不要行尅制之鄉。尅制者、官鬼也。又懼所生之月令、正吾衰病之地。又四柱無父母以生之、反又見財、謂之財多不喜、力不任財、禍患百出。雖少年、經休囚之位故、是不如意、多事頻併。或中年、或末年、復臨父母之鄉、或三合可以助我者、則勃然而興、不可禦也。倘少年乘旺、老在脫局、不惟窮途恓惶、兼且是非紛起。蓋財者、起爭之端也。若或四柱相生、別帶貴格、不值空亡、又行旺位運、三合財生、皆是貴命。其餘福之淺深、皆隨入格輕重而言之。財多生官、要須身健。財多盜氣、本自身衰、年運又或傷財、必生奇禍。或然帶刑併七殺來臨、凶不可言也。

偏財

何謂之偏財、蓋陰見陰財、陽見陽財也。猶甲見戊、乙見己、丙見庚、丁見辛、戊見壬、己見癸、庚見甲、辛見乙、壬見丙、癸見丁者是也。然而偏財乃眾人之財、只恐姊妹兄弟有奪之、則福不全。不有官星、禍患百出。故曰、偏財好出、亦不懼藏、惟怕有以分奪、反空亡耳。有一於此、官將不成、財將不在。經曰、背祿逐馬、守窮途而恓惶是也。

財弱亦待歷旺鄉而榮、財盛無所往而不妙、但恐身勢無力耳。偏財主人慷慨、不甚吝財、惟是得地、不止財豐、亦能官旺。何以言之、蓋財盛自生官矣、但爲人有情而多詐。蓋財能利己、亦能招誘。運行旺相、福祿共臻、只恐大旺、兄弟必多破壞、亦不受。財多須看財與我之日干強弱相等、行官鄉便可發祿。若財盛而身弱、運至官鄉、是旣被財之盜氣、後被官之尅身、不惟不發祿、亦防禍患。如命四柱中先帶官星、便作好命看。若四柱中兄弟輩出、縱入官鄉、發祿必渺矣。故曰、要在識其通變矣。

雜氣 辰戌丑未之月也。

雜氣者、蓋謂辰戌丑未之位也。辰中有乙戊癸字、戌中有辛丁戊字、丑中有癸辛己字、未中有丁乙己字。此四者、天地不正氣也、須

通變淵源

卷上

九

看六甲何如以論之。假如日干是甲而得丑月、貴旣在中、辛則正官、癸爲之印綬、己則爲正財、不知因何爲福、要在四柱中看出。是何字、隨其所出而言其吉凶、有如前說法。但庫中物皆閉藏、須待有以開其扃鑰、方言發祿。所謂開扃鑰者、何物也、乃刑衝破害耳。且四柱元有刑衝破害、復行此等運氣、則刑衝破害多、反傷其福。大抵雜氣要財多、便是貴命。若年時別入他格、當以他格例斷之。蓋此乃天地之雜、不能純一、故少力耳。別格專於時年、乃重事。看命須審輕重以取禍福、先論重者、次言輕者、百發百中矣。其他當以類言之。

日貴

天乙貴人有四日。

日貴者何、即甲戌庚牛羊之類。止有四日、丁酉丁亥癸巳癸卯耳、

最怕刑衝破害。經曰、崇爲寶也、奇爲貴也。所以貴人怕三刑六害也。貴神要聚於日、運行怕空亡及運行太歲加會、不要魁剛。主人純粹有仁德、有姿色、不傲物。或犯前刑則貧賤、刑衝太甚、貴人生怒、反成其禍、不可不察。有月貴、有時貴、類同。須分晝夜貴、日要日貴、夜要夜貴矣。

拱祿 拱貴

所謂拱貴、日時二支虛拱日主貴人、止有四。

甲寅日見甲子時 丙戌日見丙申時

戊申日見戊午時 壬辰日見壬寅時

拱祿格中有五、日時中間虛拱祿星取貴。

丁巳日見丁未時 己未日見己巳時

通變淵源

卷上

十

癸丑日見癸亥時 癸亥日見癸丑時

戊辰日見戊午時

所拱之地惟怕一位空亡、則拱不住矣。用年日時上干以拱之、運行貴邊乃是發祿之位、運行會合亦是亨通、大怕刑衝破害。所拱之位又嫌實却虛位、有一如此、禍不旋踵、更帶陽刃七殺、凶不可言。必爲人聰俊多能、蓋由秀氣而發、方免少凶、多吉、一有觸之、由如前說矣。

金神

金神者、止有三時、癸酉己巳乙丑。金神乃破敗之神、要制伏、入火鄉爲勝。如四柱中更帶七殺陽刃、真貴人也。大抵威猛者以強暴爲能、威苟不專、人得以侮、故必狼暴如虎動、群獸旣攝、威德行矣。

然太剛必折、不有以制之、則寬猛不濟、何以上履中和之道。故曰、有剛者在馴伏調致其和、福祿踵至。雖然、其人有剛斷明敏之才、崛強不可馴伏之志、運至火鄉、四柱有火局、便爲貴命。懼水鄉、則爲禍矣。

日刃 陽刃

日刃陽刃同。日刃有戊午丙午壬子日也、與陽刃同法。不喜刑衝破害、不喜會合、兼愛七殺、要行官鄉便爲貴命。若四柱中一來會合、必主奇禍。其人主眼大鬚長、性剛果毅、無惻隱惠慈之心、有刻剝不恤之意。三刑自刑魁剛全、發跡於疆場。如或無情、或臨財旺、則主其凶。或有救神、要先審察。如刑害俱全、類皆得地、貴不可勝言者、安得不舉也。獨陽刃以時言之、四柱中不要入財鄉、怕衝陽

刃。且如戊日刃在午、忌行子正財運。壬刃在子、忌行午正財運。庚刃在酉、忌行卯正財運。甲日刃在卯、行巳午并辰戌丑未財運不妨、忌酉運。丙日刃在午、行申酉庚辛財運不妨、忌子運。大抵陽刃要身旺、喜有物以去之。經曰、人有鬼人、物有鬼物、逢之爲災、去之爲福。且如葛參政命壬申壬子戊午乙卯、戊日刃在午、喜得乙卯時、正官星制伏去了、爲福矣。

印綬

所謂印生者、即印綬也。經曰、有官無印、即非真官、有印無官、反成其福。何以言之、大抵人生得物以相助相生相養、使我得萬物之見成、豈不妙乎。故主人多智慮兼豐厚。蓋印綬畏財、主人括囊、故四柱中及運行官鬼反成其福、蓋官鬼能生我、只畏其財、而財能

反傷我。此印綬之妙者，多是受父母之蔭，父母之資財見成安享之人。若人以兩三命相並，當以印綬多者爲上。又主一生少病，能飲食。或若財多乘旺，必多淹留。雖喜官鬼，而官鬼多或入格，又不可專以印綬言之。假如甲乙日得亥子月生，丙丁日得寅卯月生，戊己日得巳午月生，庚辛日得辰戌丑未月生，壬癸日得申酉月生者是也。其餘以類言之。最怕行印綬死絕之運，或運臨死絕，復有物以竊之，即入黃泉，無可疑也。

傷官

傷官者，其驗如神。傷官務要傷盡，傷之不盡，官來乘旺，其禍不可勝言。傷官見官，爲禍百端。倘月令在傷官之位，及四柱作合皆在傷官之處，又行身旺鄉，真貴人也。傷官主人多才藝，傲物氣高，常以天下之人不如己，而貴人亦憚之，人亦惡之。運一逢官，禍不可言。或有吉神可解，必生惡疾，以殘其軀，不然，連遭官事。如運行剝官，財神不旺，皆是安享之人。仔細消詳，萬無失一也。

日德

日德有五，甲寅戊辰丙辰庚辰壬戌日是也。其福要多，而忌刑衝破害，惡官星，憎財旺，加臨會合，懼空亡而忌魁剛。此數者乃格之大忌也。大抵日德主人性格慈善，日德居多，福必豐厚。運行身旺，大是奇絕。若有財官加臨，別尋他格，正能免非橫之禍。若旺氣已衰，來至魁剛，其死必矣。或未發福，運至魁剛，體格既好，如生禍患，一脫於此，必能再發，終身力微，不可不知也。

魁剛

魁剛者有四、壬辰庚戌庚辰戌戌日是也。如日位加臨者眾、必是福人。運行身旺、發福百端。一見財官、禍患立至。主人性格聰明、文章振發、臨事有斷、惟是好殺。若四柱有財及官、或帶刑殺、禍不可測。倘日獨處、衝者太眾、必是小人、刑責不離、窮必徹骨。運臨財官旺處、亦防奇禍。

時墓

時墓之論、謂財官之墓時臨之也。要刑衝破害以開局鑰、其人必難發于少年。經曰、少年不發墓中人是也。怕有物以壓之、如丁用壬辰爲庫官、別有戊辰之類制之、則丁不能官矣。如此難作好命、必得有物以破其戊、雖得之、發福已淺。經曰、鬼入墓中、危疑者甚、若獨類而長、財亦如之。此是秘言、不可輕泄之。

子平三命通變淵源卷下

宋 錢塘 東齋 徐大升 編

三命堂祿命居士尤武偉訂正

十八格

正官格 月內有官星者是也時下兼有財生者真貴人也

怕衝 忌見傷官 七殺 大運亦然

喜印綬 喜身旺 喜財星 歲運同

近世貴人入格

乙未^年 乙酉^月 甲子^日 丙寅^時 王知府

乙卯 戊子 丙子 庚寅 金丞相

乙卯 丁亥 丁未 庚戌 金狀元

通變淵源 卷下

癸未 乙卯 戊寅 壬子 陳侍郎

壬寅 壬寅 己卯 壬申 葉丞相_{二寅不怕衝}

乙酉 辛巳 辛未 戊子 陳寺丞

甲申 壬申 乙巳 戊寅 薛相公

丁丑 壬寅 己巳 丙寅 范太傅

丁酉 丙午 壬寅 甲辰 李知府

己卯 癸酉 甲辰 丙寅 周郎中

庚申 戊子 丙申 庚寅 木尙書

庚午 壬午 壬辰 辛亥 李國錄

辛卯 庚子 丙申 庚寅 趙知府

癸未 丁巳 癸未 乙卯 呂宮屬

雜氣財官格

辰戌丑未月生者是。若殺旺官少，則要制伏。多則損之，少則益之，要行財旺之運。

戊子	乙丑	丁未	辛亥	李御帶
壬子	甲辰	己卯	壬申	黃狀元
壬子	丁未	庚戌	壬午	楊和王
戊子	壬戌	乙亥	丁亥	王尙書
丁丑	癸丑	己酉	戊辰	林侍郎
丙寅	戊戌	辛酉	戊子	張參政
壬寅	甲辰	丁酉	庚子	王太尉
己卯	辛未	壬寅	辛亥	宣參政

通變淵源

卷下

二

己卯	丁丑	丙寅	庚寅	秦龍圖
癸巳	丙辰	丙午	癸巳	鄧知省
庚午	己丑	乙卯	壬午	秦太師
甲午	戊辰	乙卯	丙子	馮殿帥
壬午	丁未	壬申	庚子	趙侍郎
癸未	乙丑	戊辰	辛酉	趙侍郎
癸未	己未	庚辰	丁亥	黎大鑒

月上偏官格

七殺也要日干生旺。

喜身旺、怕衝多。為人性重、剛執不屈。時偏官多者亦然、喜見陽刃煞。月上偏官用地支、只要一位、要行偏官運。若有中了、年時上又有之、却不要行偏官旺運、亦不要行官鄉、歲君一同為太過而反。

成禍、須要行制伏得地之運方發。與時偏官相似、又不可專言制伏矣。

丙子	甲午	辛亥	辛卯	沈郎中
丙寅	戊戌	壬戌	辛丑	何參政
丙寅	庚寅	戊辰	庚申	馬將仕
癸卯	丁巳	壬寅	甲辰	岳總領
癸卯	乙卯	己巳	乙丑	蔣狀元
丙辰	癸巳	壬戌	壬寅	老僕王
丙午	丙申	甲寅	丁卯	趙侍郎
甲申	乙亥	丙戌	庚寅	劉八門司
丁亥	辛亥	丙申	庚寅	莫侍郎

通變淵源

卷下

三

時偏財格

如時上偏財、與時上偏官相似、只要時上一位、不要多。而三處不要再見財、却怕衝、與月上偏官一同。偏財要財旺運。

庚寅	乙酉	甲子	戊辰	李參政
癸亥	乙卯	乙未	壬午	吳二相公
乙未	甲申	丙申	庚寅	曾參政
癸卯	戊午	丁丑	辛丑	陳尙書
戊子	辛酉	戊申	壬子	曾知府
甲午	丁丑	己未	癸酉	邢司令
壬午	壬寅	庚子	戊寅	高侍郎
乙酉	己卯	辛卯	辛卯	侯知閣

丁亥 戊申 壬申 丙午 劉中書
庚午 戊子 癸卯 丁巳 王步帥

時上一位貴格

七殺時上一位方為貴、或年月日又有、反為辛苦勞力之命也。如時上位七殺、要本身自旺。而三處有制伏多、則行七殺旺運或三合得地可發。若元無制伏、則要行制伏之運可發。或遇殺旺而無以制之、則禍生矣。月上偏官却怕衝、與陽刃同。時上偏官不怕衝與陽刃。又要本身生日自旺、如甲乙日在正二月生是也。時偏官、為人性重、剛執不屈、月偏官多者亦然。

壬午 庚戌 甲午 庚午 詹寺丞
甲申 丙寅 乙卯 辛巳 史魏王

通變淵源

卷下

己巳	丁卯	丙午	壬辰	李寺正
庚寅	壬午	戊寅	甲寅	鄭尙書
庚辰	丙戌	戊戌	甲寅	朱尙書
辛巳	辛丑	己卯	乙亥	范尙書
壬申	癸丑	己丑	乙亥	俞侍郎
丁亥	丁未	乙巳	辛巳	劉都統
丁巳	壬子	癸卯	己未	樓參政
庚辰	丁亥	癸亥	己未	何判局

已上五格、皆正氣法。

飛天祿馬格

此格以庚壬二日用子字多、衝午中丁己為官星。要四柱中有寅

字、并未字或戌字、得一字可合爲妙。如六庚日六壬日以子衝午、若四柱中有丑字、則子不能去衝矣。歲君大運亦忌。如六庚日以子衝午中丁火爲官星、若四柱中有丁字并午字、則減分數。歲君亦忌。如六壬日以子衝午中己土爲官星、若四柱中有己字并午字、則減分數。歲君大運亦須忌之。

丙子 丁酉 壬子 庚子 喬丞相

己未 丙子 庚子 丙子 蔡貴妃

壬子 壬子 壬子 壬寅 橫行正使

壬子 壬子 壬子 甲辰 曾尙書

壬子 壬子 壬子 丙午 丐者以子衝午、不合又見午字。

又格

通變淵源

卷下

以辛癸日用亥字衝巳中丙戊爲官星、要四柱中有申字、并酉字或丑字、得一字可合爲妙。假令六癸日以亥衝巳、若四柱中有戌字、則亥不能去衝矣。歲君大運亦忌。如六辛日以亥衝巳中丙字爲官星、若四柱中有丙字并巳字、則減分數。歲君大運亦忌。運重太歲輕、再見巳字則有禍矣。

丁未 癸卯 癸亥 癸丑 梁丞相亥衝丑合。

壬申 辛亥 癸亥 壬子 曹郎中亥衝申合。

倒衝格

夫四柱中元無官星、方用此格。以丙日爲主、用午字衝子中癸水、丙日得官星、不論合。若四柱中有未字、則午不能去衝矣。大忌癸字并子字、則減分數。歲君大運亦然。

庚寅 壬午 丙戌 戊戌 喻提舉月午二位戊強三合有力
丙午 庚寅 丙午 癸巳 趙知府

又格

以丁日為主、用巳字多衝亥中壬水為官星、不論合。若四柱中有辰字、則巳不能去衝矣。大忌四柱中有壬字并亥字、則減分數、歲君大運亦同。運重歲君輕、再見亥字則禍作矣。

辛酉 癸巳 丁巳 乙巳 施判院

辛巳 甲午 丁未 乙巳 岳總管

癸卯 丁巳 丁巳 乙巳 項編修

乙巳鼠貴格

如月內有官星、則不用此格、大怕午字衝之。丙子時子字為妙、謂

通變淵源

卷下

之聚貴也。或四柱中有庚字辛字、并申字酉字丑字、內則有庚辛金、則減分數、歲君大運亦然。又曰、四柱中元無官星、方用此格。

甲寅 戊辰 乙亥 丙子 袁判院

戊子 癸亥 乙未 丙子 蘇御帶

丙午 癸巳 乙亥 丙子 丐者只不合午字衝之

合祿格 秋冬生者為妙。

此格以六戊日生人為主、以庚申時合卯中乙木、戊日得官星。若四柱中有甲乙字、或丙字巳字、刑壞了申字、或丙字及傷庚字、則減分數、歲君大運亦然。

壬午 己酉 戊午 庚申 史春坊

己未 丙子 戊戌 庚申 黃侍郎雖忌丙字、子月無丙火

壬申 辛亥 戊寅 庚申 鄭知府
 庚午 己丑 戊午 庚申 甘太尉
 丙申 庚子 戊申 庚申 李武翼

李武翼命係是合祿，只不合當生本命透出丙字，在丙戌年又行乙巳運，不合再見丙字降官失職。

又格

六癸日為主，喜逢庚申時，用申時合巳中戊土，癸日得官星。若四柱中有戊字，并巳字刑壞了申時，或丙字及傷庚申時，則減分數。歲君大運亦然。又曰：四柱中元無官星，方用此格。

癸酉 乙丑 癸丑 庚申 程同知
 癸酉 乙卯 癸酉 庚申 徐殿院
 乙酉 癸未 癸未 庚申 趙丞相

通變淵源

卷下

壬午 庚戌 癸丑 庚申 楊安撫
 乙未 己卯 癸亥 庚申 桑統制

子遙已格

此格以二甲子，子內癸水遙合巳中戊土，戊來動丙，丙來合酉中辛金，甲日得官星，則巳酉丑三合官祿。要行官旺鄉運，忌四柱中有庚字七殺，辛字官星，并申酉字，丑字絆住，則子不能去遙矣。若有午字衝子，則減分數。

己巳 乙亥 甲子 甲子 錢丞相
 丙寅 壬辰 甲子 甲子 趙知府
 己丑 甲戌 甲子 甲子

不合丑字絆住，所以只爲白丁。

丑遙已格

此格只有辛丑癸丑二日是也。用丑字多遙巳中丙戊，辛癸日得官星，丑字多為妙。若四柱中有子字絆住，則丑不能去遙矣。要四柱中有申字并酉字，得一字為妙。如辛丑日，若四柱中有丙丁字并巳字午字，則減分數，歲君大運亦同。癸丑日亦不要見戊字巳字巳字午字。又曰：四柱中元無官星，方用此格。

癸丑 乙丑 辛丑 戊子 鄭樞密

辛丑 辛丑 辛丑 庚寅 章統制

乙丑 己丑 癸丑 乙卯 葉侍郎

壬騎龍背格

壬辰多者貴，寅字多者富。壬日生辰上，以丁為財，以己為官。壬日以辰衝戌中丁戊，壬辰日得財官。而寅午戌三合，或壬日至寅，却只為富命，以寅午戌為財得地。若年月時上辰字多，則衝出財官，所以貴也。

壬辰 甲辰 壬辰 壬寅 王樞密

戊寅 庚申 壬辰 甲辰 諸葛判院

壬寅 壬寅 壬辰 壬寅 財主巨富

井欄叉格

此格庚子庚申庚辰三處，須要四柱中申子辰三位全，不必三箇庚字，若有三庚尤妙。只要庚日生申年月時，或戊子戊辰不妨，但得支申子辰全是也。若時遇丙子，則是偏官。若時是申時，則是歸祿格，而非井欄叉矣。四柱怕見寅午戌三字，則沖壞矣。庚用丁為

官、以申子辰三合沖寅午戌火局、庚日得官星。行運如正氣、若行東方財地或南方皆好。若四柱中有巳字丙丁字、則減分數、歲君大運亦然。

戊申 庚申 庚申 庚辰 郭統制

癸巳 庚申 庚子 庚辰 魏待詔 不含有癸巳、不貴。

庚子 庚辰 庚申 壬午 宋大夫 宋大夫命不合實了午字、運行至午罷請失職喪妻失子。

歸祿格 要行身旺運、兼行食神傷官財運亦可發福怕衝。

此格假令六甲日生人得寅時、謂之歸祿。蓋甲祿在寅、餘皆倣此。但不要四柱中見官星七殺、則難歸祿矣、歲運亦然。

丙午 癸巳 甲子 丙寅 錢參政

戊子 甲寅 乙亥 己卯 林樞密

通變淵源 卷下 九

甲午 甲戌 丁未 丙午 李常博

六陰朝陽格 要行西方第一、東方第二、南方平、北方大忌矣。

此格以六辛日為主、用丙火為正官、喜逢戊土、戊來動丙、辛日得官星。子字則要一位、多不中。若四柱中有丙字丁字巳字、午字則衝子不中、則減分數、歲君大運亦同。

戊辰 辛酉 辛酉 戊子 張知院

戊辰 辛酉 辛丑 戊子 步司西王太尉

乙丑 庚辰 辛酉 戊子 硬揚太尉

刑合格

此格以六癸日生人為主星、用戊土為正氣官星、喜逢甲寅時、用刑巳中戊土、癸日得官星。如庚寅刑不成、惟甲寅時是。行運與飛

天祿同。若四柱中有戊字巳字，則減分數。又怕庚寅傷甲字，刑壞了，忌申字，則減分數。歲君大運亦忌。

乙未 癸未 癸亥 甲寅 十二節使

丁亥 癸卯 癸卯 甲寅 沈路分

甲戌 甲戌 癸酉 甲寅 陳侍郎

庚午 甲申 癸卯 甲寅 方幹辦 方幹辦命不合年上庚字，刑不起官星，只做白身人。

拱祿格

此格只有五日五時，見上卷該載。大忌填實，最怕衝了日時拱位，又怕四柱中有傷日干七殺，皆拱不住，則減分數。歲君大運亦然。

癸卯 癸亥 戊辰 戊午 劉知府

壬子 丁未 丁巳 丁未 唐宮幹 唐宮幹命不合子，衝午作白身人。

通變淵源

卷下

拱貴格

夫拱貴者，大忌填實貴位，最怕刑衝了日時拱位，又怕四柱中有官星衝身七殺之類，皆拱不住，則減分數。歲君大運亦然。

丁巳 丙午 甲寅 甲子 熊少中

辛丑 辛丑 甲寅 甲子 范都事 范都事命不合實了，丑字只為白身人。

印綬格

此格大要生旺，忌死絕，要四柱中有官星為妙。若年月日時中為印綬，月上最緊。喜行官鄉運便發，行印綬鄉亦發，不要見財。

乙亥 戊子 甲寅 甲子 趙知府

辛酉 丙申 壬申 辛亥 汪侍郎

庚寅 乙酉 癸亥 丙辰 牛監簿

雜氣印綬格 乃辰戌丑未月也亦畏財要行官鄉。

辛未 壬辰 甲辰 乙亥 沈尙書

壬申 庚戌 庚戌 戊寅 黃運使

丁丑 癸丑 辛卯 戊子 鄭安撫

庚寅 己丑 壬寅 辛丑 周宗簿

丙寅 辛丑 癸巳 癸亥 呂寺丞

庚寅 丙戌 戊子 癸丑 葛待詔葛待詔係賣玳瑁梳兒此命是雜氣中月令透出丙丁火爲印綬只不合日時下有癸水財行亥子丑運不如意在寅卯運中發數千緡入壬辰運六年不遂交

第七年歲在戊子年二月二十八日壬戌日不祿正乃是貪財壞印也不可仔細推之

子平三命通變淵源卷下終

通變淵源

卷下

十一

蓋人之生感天地之化孕陰陽之秀首系乎性命因性而有命因命而有九五福故曰是有命焉命之生也必有日月之主者寄干時列乎天元爲十干列乎地元爲十二支布乎納音爲五行是謂三命之書惟唐韓昌黎文公序御史李虛中以日爲主言人禍福不惑者信矣夫由是徐子平之術得其正傳名重朝野耳目之及無不欽敬斯書十有八格法易十有八變而成卦體春秋十八占之辭也東齋徐公發揮奧旨鉉梓以廣其傳余愛是術猶飲醇酣不覺醉相春風和氣之日寶祐甲寅辰月望日錢塘子錢芝翁謹跋。